





皇清職貢圖

卷五

河州土千戶韓玉麟等所轄撒喇族土民

以下甘肅省

河州土千戶韓玉麟等所轄撒喇族土婦

河州土指揮韓雯所轄珍珠族番民

河州土指揮韓雯所轄珍珠族番婦

河州土百戶王車位所轄乧藏族番民

河州土百戶王車位所轄乧藏族番婦

二 16
2242
5

河州土指揮同知何福慧所轄土番

河州土指揮同知何福慧所轄土番婦

狄道州土指揮趙恒所轄參咂等族番民

狄道州土指揮趙恒所轄參咂等族番婦

洮州土指揮楊聲所轄卓泥多等族番民

洮州土指揮楊聲所轄卓泥多等族番婦

洮州土指揮楊聲所轄的吉巴等族番民

洮州土指揮楊聲所轄的吉巴等族番婦

洮州土指揮魯景瑜所轄左喇等族番民

洮州土指揮魯景瑜所轄左喇等族番婦

洮州土千戶楊紹先所轄著遜等族番民

洮州土千戶楊紹先所轄著遜等族番婦

洮州理番同知所轄口外陸哨蟲庫兒番民

洮州理番同知所轄口外陸哨蟲庫兒番婦

岷州土百戶馬繡所轄瓦舍坪等族番民

岷州土百戶馬繡所轄瓦舍坪等族番婦

岷州土百戶后發葵所轄牟家山堡等土人

岷州土百戶后發葵所轄牟家山堡等土婦

岷州土百戶趙名俊所轄徐兒莊等堡土人

岷州土百戶趙名俊所轄徐兒莊等堡土婦

岷州土百戶后汝元等所轄馬連川等族番民

岷州土百戶后汝元等所轄馬連川等族番婦

莊浪土指揮魯鳳翥所轄上寫爾素等族番民

莊浪土指揮魯鳳翥所轄上寫爾素等族番婦

莊浪土僉事魯萬策所轄毛他喇族土民

莊浪土僉事魯萬策所轄毛他喇族土婦

莊浪土千戶王國相等所轄華藏上札爾的等

族番民

莊浪土千戶王國相等所轄華藏上札爾的等

族番婦

武威土千戶富順所轄西脫巴等族番民

武威土千戶富順所轄西脫巴等族番婦

古浪縣土千戶管卜他所轄阿落等族番民

古浪縣土千戶管卜他所轄阿落等族番婦

永昌縣土千戶地木切令所轄元旦等族番民

永昌縣土千戶地木切令所轄元旦等族番婦

西寧縣土指揮祁憲邦等所轄東溝等族番民

西寧縣土指揮祁憲邦等所轄東溝等族番婦

西寧縣纏頭民

西寧縣纏頭婦

西寧縣哆吧番民

西寧縣哆吧番婦

西寧縣土指揮僉事汪于昆所轄土民

西寧縣土指揮僉事汪于昆所轄土婦

碾伯縣土指揮同知李國棟所轄東溝等族土

民

碾伯縣土指揮同知李國棟所轄東溝等族土

婦

碾伯縣土指揮同知祁在璣所轄達子灣等族
番民

碾伯縣土指揮同知祁在璣所轄達子灣等族
番婦

碾伯縣南北兩山番民

碾伯縣南北兩山番婦

擺羊戎通判所轄番民

擺羊戎通判所轄番婦

大通衛土千戶納花布藏所轄興馬等族番民

大通衛土千戶納花布藏所轄興馬等族番婦

歸德所番民

歸德所番婦

肅州番目溫布所轄黑番

肅州番目溫布所轄黑番婦

高臺縣番目扎勢敦等所轄黃番

高臺縣番目扎勢敦等所轄黃番婦

高臺縣番目撒爾巴所轄黑番

高臺縣番目撒爾巴所轄黑番婦

文縣番民

文縣番婦

河州土千戶韓玉麟等所轄撒喇族土民



河州土千戶韓玉麟等所轄撒喇族土婦



按明史西羌族類最多其散處河湟洮岷間者為中國患尤劇元於河州設土番宣慰司統治番衆明設西寧等四衛土官與漢官參治俾其世守

本朝雍正年間以河州土百戶韓玉麟韓旭從征卓子山有功並授為千戶分轄撒喇土族其民所居距州治二百餘里男子冠履與內地民人無異著大領無袂衣女繫裙裹足亦

同民婦飲食風俗俱沿回習每戶歲輸青稞
糧一斗由河州同知徵收

河州土指揮韓雯所轄珍珠族番民



河州土指揮韓雯所轄珍珠族番婦



河州土指揮韓雯所管番民亦吐番部落自
其始祖韓端月堅藏於明時率眾歸誠初授
安撫司後以指揮世襲

本朝定鼎初授以外委指揮管轄珍珠族番民
男子兩耳垂環皮帽褐衣女披髮於背裹以
綵帛綴大小石珠長衣大袖或加半背以紅
帕束之婚葬與內地相仿惟不祭祀所居距
州城五十餘里

河州土百戶王車位所轄乧藏族番民



河州土百戶王車位所轄乧藏族番婦



河州乧藏族番民亦吐番部落明嘉靖時以百戶王官卜領之

本朝康熙年間以王氏之裔王鎮海世襲如故番民所居距州六十餘里男女衣服類珍珠族番民風俗亦與相似歲輸青稞由同知徵收其民地麥糧則由河州知州交納

河州土指揮同知何福慧所轄土番



河州土指揮同知何福慧所轄土番婦



河州土指揮同知何福慧元河州宣慰使鎖
普南之裔也明洪武三年鎖普南率眾歸附
賜姓何氏授河州衛世襲土指揮同知管其
所部番民

本朝因之其番民居河州城東男女衣服類撒
喇土族而飲食風俗俱與本城居民相同歲
納麥糧由河州知州徵解

狄道州土著
趙恒所創
參通等族
番民



狄道州土指揮趙恒所轄參哱等族番婦



狄道本西番地參哱高山二族番民世居州
 治之西南鄉趙恒之始祖趙安於明永樂時
 招撫番衆遂授世襲土指揮管轄參哱高山
 二族

本朝康熙十四年其曾祖趙樞贊隨征有功仍
 令世襲管事番民羶帽褐衣女藍布或皂帕
 蒙頭足履鞞鞞間有裹足者飲食風俗俱與
 州民相同勤於農桑計田輸賦

洮州土指揮楊聲所轄卓泥多等族番民



洮州三指揮楊聲所轄卓泥多等族番婦



洮州卓泥多等四百七十五番族向為西域
 生番楊聲之始祖此的于明永樂初率眾投
 誠授為指揮僉事令世其職統轄番族

本朝因之康熙十四年土司楊朝梁以恢復洮
 岷功授騎都尉任洮岷副將其子楊威承襲
 土職三傳至聲番族散處洮州沿邊內外種
 青稞牧牛羊以為生計居多土屋衣服與河
 州之珍珠族番民相仿婦人或以色布抹額

雜綴銀飾其邊外番婦則多有粗服跣足者
婚姻以牛馬為禮喪事誦經火葬惟近州諸
族稍沿民間風俗

洮州土指揮楊聲所轄的吉巴等族番民



洮州土指揮楊聲所轄的吉巴等族番婦



洮州的吉巴等三十七番族係口外黑番向
未設有土司

本朝康熙年間招撫投誠遂歸併楊氏管轄所
居槿板為屋男子褐衣長領齊袖婦人多披
髮於背衣用紅綠褐亦有繫裙者飲食風俗
俱與卓泥多等番族相似

澆州土指揮咎景瑜所轄左喇等族番民



皇清職貢圖 卷五
三
洮州土指揮咎景瑜所轄左喇等族番婦



洮州左喇等五十九番族木口外土番部落
明洪武三年番目南秀節率眾內向授指揮
僉事令住牧於洮州之西鄉防守邊塞

本朝順治初土司咎凝和歸誠仍襲原職景瑜
其五世孫也番民冠綴紅纓衣亦長領齊袖
婦人辮髮以布抹額雜綴瑪瑙碑磔為飾衣
內長而外短飲食風俗俱與洮州諸番族同

洮州土千戶楊紹先所轄著遜等族番民



洮州土千戶楊紹先所轄著遜等族番婦



洮州著遜等十一番族皆古陸舖番目楊丁
 哥部內土番也明洪武初丁哥率眾內附嘉
 靖時其子楊素防勦有功授世襲副千戶職
 本朝因之男女服飾大概與洮州諸番族相似
 居處飲食風俗亦同

洮州理番同知所轄口外陸哨蠶車兒番民



洮州理番同知所轄口外陸哨蟲庫兒番婦



陸哨蟲庫兒係口外生番部落向未設立土

司

本朝雍正二年歸順隸於洮州理番同知有商

阿利俄谷等七十餘寨歲納稞糧由同知徵

收番民冠綴紅纓衣俱長領齊袖婦人披髮

於背衣用紅綠布及五色花褐其長至足亦

間有效民婦短衫長裙者其居處飲食風俗

與洮州諸番族相似

岷州土百戶馬繡所轄瓦舍坪等族番民



岷州土百戶馬繡所轄瓦舍坪等族番婦



岷州土百戶馬繡乃後漢馬援之裔元至正時有馬紀者為指揮使防守哈達川遂家焉明洪武初以紀子珍勦撫番族授為百戶世轄其衆

本朝因之康熙年間土司馬國棟馬天驥屢立戰功繡即驥子也所轄瓦舍坪等四十五番族皆馬氏先後所勦撫歸順者男羶帽插鳥羽婦披髮額抹紅藍褐布雜綴銀花玉石耳

垂大環短衣褐裙亦有長衣無裙者婚姻生子後始納聘禮歲徵稞糧在岷倉交納

岷州土百戶后發葵所轄牟家山堡等土人



岷州土百戶后發葵所轄牟家山堡等土婦



岷州牟家山堡等土人凡四十餘堡向為土番部落明洪武初番目節木東率眾投誠授世襲百戶遂為后姓

本朝因之康熙十四年以後之清從征有功加授千總嗣仍原職其土人羶帽褐衣婦人縮髻布衣布裙大概與民間婦女相似飲食風俗亦同內地應輸土賦歲由岷倉交納

岷州土百戶趙名俊所轄徐兇莊等堡土人



岷州土百戶趙名俊所轄徐兒莊等堡土婦



岷州徐兒莊等十一堡土人其先亦係土番
部落明洪武初番目趙黨只官卜征撫生番
有功授為百戶世轄其衆

本朝因之其土人羶帽褐衣婦女披髮以布約
之綴銀花硨磲為飾衣青褐左袖緣以五色
腰繫青紅褐雜綴珠石為佩亦間有著裙者
飲食風俗與諸番族略同糧賦由岷倉收納

岷州土百戶后汝元等所轄馬連川等族番民



岷州土百戶后汝元等所轄馬連川等族番婦



岷州馬連川等十一族番民亦土番苗裔明
洪武初以番目祥巴古子追殺逆番有功授
以百戶世轄其衆後遂為后氏

本朝因之其番民男婦服飾均與各番相似亦
有如內地民人者飲食風俗亦同歲輸番糧
由岷倉徵納

莊浪土指揮魯鳳翥所轄上寫爾素等族番民



莊浪土指揮魯鳳翥所轄上寫爾素等族番婦



莊浪土指揮魯鳳翥係元平章政事狀歡之
後自脫歡歸附於明授為世襲指揮

本朝定鼎以土司魯印昌拒賊殉國特加褒獎
仍令子孫世襲原職所管上寫爾素等八族
番民歷係青海分管雍正二年專交土司管
轄給以田地令習耕種額報番兵二百名聽
候調遣所居皆帳房男子皮帽褐衣女披髮
約帛綴碑磔銀花為飾衣以五色褐布緣之

燦如錦繡男女皆赤足間有曳履者

莊浪土僉事魯萬策所轄毛他刺族土民



莊浪土僉事魯萬策所轄毛他喇族土婦



莊浪土僉事魯萬策亦元平章政事脫歡之後明時別授為指揮僉事

本朝順治初土司魯典征勦逆獯有功仍襲原職所管毛他喇族土民男皆衣褐女椎髻以皂帛抹額繫裙裹足與內地民婦相似飲食風俗亦同授田耕種歲輸軍糧津貼土軍

莊浪土千戶王國相等所轄華藏上札爾的等族番民



莊浪土千戶王國相等所轄華藏上札爾的等族番婦



莊浪土千戶所轄華藏上札爾的等二十族
番民向於青海歲納銀畜名曰西番實亦其
部落也雍正二年勦撫歸順給地安置令習
耕種歲輸額糧由莊浪同知徵收以為喇嘛
衣單口糧之需至乾隆二年始設土千戶王
國相以資約束其番民羶帽紅纓衣長領褐
衣女盤髻戴紅羶尖頂帽綴以硨磲後插金
銀鳳釵衣裙類民婦而足履草靴亦有披髮

長衣者風俗雙盜重情認罰即釋婚嫁以牲
畜為聘其色異等七族則仍住牧草地歲貢
馬匹折價以補營額

武威土千戶富順所轄西脫巴等族番民



武威土千戶富順所轄西脫巴等族番婦



武威土千戶所轄西脫巴等三族番民向亦
 屬於青海雍正二年撫治歸順給地習耕應
 輸糧米草束由武威縣徵收其不能耕者歲
 納馬十七匹乾隆一年始設土千戶富順專
 司約束其男子衣服與番族相類婦人披髮
 約以紅褐衣綠邊褐衣居處飲食風俗均與
 王國相所轄各番族同

古浪縣土千戶管下他所轄阿落等族番民



古浪縣土千戶管下他所轄阿落等族番婦



阿落等八族番民在古浪縣原係青海西番
部落雍正二年分界編戶各耕其地歲貢馬
十一匹乾隆二年設土千戶管下他以資約
束男氊帽褐衣婦披髮結而垂之飾以碑磔
衣多綠邊足履草靴亦有跣行者

永昌縣土千戶地木切令所轄元旦等族番民



永昌縣土千戶地木切令所轄元旦等族番婦



元旦等五族番民統名西番凡五十戶舊於
 永昌縣南之橫樑山遊牧雍正二年歸順歲
 納馬六匹乾隆二年始設土千戶轄之男婦
 俱羶帽衣長領褐衣足履鞞鞞婦人或披髮
 約以紅褐五族互為婚姻野合育子後始納
 幣迎娶

西寧縣土指揮祁憲邦等所轄東溝等族番民



西寧縣土指揮祁憲邦等所轄東溝等族番婦



東溝等八族番民亦西羌苗裔所居距西寧縣七十餘里元時有祁貢哥星吉者任甘肅理問所官明初來歸授為指揮使世領番衆本朝因之番民男戴白羊皮帽著長領褐衣婦女以紅布為額箍上嵌碑礫後插銀銅鳳釵數枝雜垂珠石衣裙俱用紅綠布而裙與衣齊裏足著履多類民婦性淳朴勤於耕作其土指揮同知李承唐僉事納彩吉應魁所管

白迭等十二族番民服飾與此相同

西寧縣纏頭民



西寧縣纏頭婦



纏頭本西域人明洪武初至西寧貿易遂家
 焉居縣屬新增堡距城四十里男子戴青緞
 小帽纏以白布故名纏頭衣綾絹山繭長領
 齊袖衣靴用香牛皮婦人披髮戴紅緞銳頂
 帽綴以珊瑚瑪瑙衣長襖外披紅敞衣所居
 皆瓦屋飲食與西番同以販賣珠寶藏香稽
 魯等物為生

西寧縣哆吧番民



西寧縣哆吧番婦



西寧縣哆吧番民即繫西藏之人男子戴
 邊紅纓帽衣十字花璫魯長領衣常持數珠
 誦佛號婦人披髮約以青褐分垂之綴水石
 鏡為飾衣藏布盤襖足履草靴夏月亦或跣
 行俗尚佛生子多有為喇嘛者

西寧縣土指揮僉事汪子昆所轄土民



西寧縣土指揮僉事汪于昆所轄土婦



西寧縣土指揮僉事汪于昆所管土民亦西
番苗裔明洪武初番目南木哥率衆歸附授
以土職世管其衆

本朝因之土民所居距城五十里男羶帽布衣
婦盤髮戴紅布箍垂縵覆額中貫銅簪繫以
珊瑚水珠衣裙間亦多以玉石硨磲綴之裹
足著履與東溝等族番婦相似風俗質樸勤
於耕稼

碾伯縣土指揮同知李國棟所轄東海等族土民



碾伯縣土指揮同知李國棟所轄東溝等族土婦



碾伯縣土指揮同知李國棟唐沙陀李克用
之後有李南哥者元時授為西寧州同知世
守西土明初率眾歸附授指揮同知

本朝定鼎以招撫番族土民有功仍襲原職所
管東溝大莊及土百戶李國鼎所管之虎喇
等族土人皆原管部落男子衣帽與民人同
婦人綰髮裹足簪珥衣裙亦均類民婦性淳
樸勤耕作間有讀書識字者其土指揮同知

皇清職貢圖 卷五 五十五
阿珍趙維宋僉事治俊祥甘靈芝朱孫林千
戶刺俊英百戶辛必正等所轄魯爾加等族
土民風俗服飾大略相同

碾伯縣土指揮同知祁在璣所轄達子灣等族番民



碾伯縣土指揮同知祁在璣所轄達子灣等族番婦



土指揮同知祁在璣本蒙古苗裔元時其始祖多爾濟實結為甘肅右丞明初率領各番部落歸順通貢授指揮同知世守西土

本朝順治年間土司祁國屏屢立戰功仍襲原職所管達子灣等二十族番民皆原管部落居處飲食風俗俱與近邊齊民無異其婚葬亦與民相同間有仍沿番俗者

碾伯縣南北兩山番民



碾伯縣南北兩山番婦



碾伯縣南山番民係瞿曇寺所管部落按明
史洪武初番僧薩喇招降罕東諸部建佛剎
於碾伯南川以居其衆賜額瞿曇是也

本朝順治初歸順雍正元年剿撫之後將各番
民歸併內地耕種田地輸納番糧男女服飾
與西陲各番族相類其北山番民亦青海所
屬同時歸併內地者服飾同南山飲食風俗
並沿番習

擺羊戎通判所轄番民



擺羊戎通判所轄番婦



西寧府擺羊戎地方番民亦屬青海

本朝雍正元年剿撫之後分隸西碾二縣種地
輸糧乾隆十年設理番通判專司管轄所居
多廬舍男女俱纓帽褐衣飲食風俗與諸番
相同

大通衛土千戶納花布藏所轄興馬等族番民



大通衛土千戶納花布藏所轄興馬等族番婦



興馬等六族番民向屬青海各扎薩克名為
黑番

本朝雍正元年歸服安插於大通衛之河燕麥
川二處乾隆元年設土千戶一員轄之番民
以游牧為生男皮帽褐衣婦人披髮衣紅綠
布長領衣以五色布及金線緣之亦有戴帽
繫裙者飲食風俗與諸番同

歸德所番民



歸德所番婦



歸德所番民凡二十五族古西羌苗裔也向
為青海所屬

本朝雍正元年勦撫之後投誠內附歲輸番糧
一百六十餘石即於各族中選置百戶一人
以資約束男纓帽褐衣婦披髮戴帽仍另以
皮絲約髮綴珊瑚瑪瑙銀銅等飾左右雙垂
而中絡則長拖至足衣色褐長衣所居皆黑
毛帳間有居土屋者夏秋耕作冬春則以打

牲為事

肅州番目温布所轄黑番



肅州番目温布所轄黑番婦



黑番係西藏喇嘛所屬俗稱黑人是也世居
 肅州南山仍赴西藏進貢

本朝雍正二年在肅州報墾納糧遂傳其入藏
 男子戴紅纓皮帽著長領褐衣婦人披髮戴
 帽耳垂大環綴以寶石項戴素珠著長領布
 衣飲食風俗並同邊民

高臺縣番目扎勢敦等所轄黃番



高臺縣番目扎勢敦等所轄黃番婦



高臺縣黃番二族番目扎勢敦索南什殿分領之向為青海部落

本朝康熙三十五年歸順每年貢馬二十三匹
男女服飾均與諸番無異居處飲食風俗亦
大略相同

高臺縣番目撒爾巴所轄黑番



高臺縣番目撒爾巴所轄黑番婦



高臺縣黑番亦係西藏喇嘛所屬之人

本朝雍正二年歸順住牧于縣屬之沿邊一帶

每年貢馬二匹男女服飾亦與諸番相類其

飲食風俗並同各族

--	--	--	--	--	--	--	--	--	--	--	--	--

文縣番民



文縣番婦



文縣地聯秦蜀所屬番民蓋亦苗蠻之一種
 與西陲諸番不同居縣屬之下舍書英坡山
 等處明時設王馬二百戶分領之至

本朝雍正八年改土歸流按地輸糧由縣徵解
 男帽插鷄翎每農事畢常挾弓矢以射獵為
 事番婦以布抹額雜綴珠石衣五色褐布緣
 邊衣近亦多有效民間服飾者性蠢愚頗勤
 耕織



